

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁ**

**ՀԱՅՏԱՐԱՐՈՒԹՅՈՒՆ**

**ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ**

**Բողոքի ծածկագիրը և ամսաթիվը՝** ԳԲՔԱ-ԼՕ-2021/03, 25.01.2021թ.

**Բողոք բերող անձ՝** «Էլդոգար» ՍՊԸ

**Պատվիրատու՝** Գորիսի համայնքապետարան

**Գնման ընթացակարգի ծածկագիրը՝** «ՀՀ ՍՄԳՀ ԳՀԱՇՁԲ 01/2021» գնանշման հարցում

**Գնման առարկան** հիմնանորոգման աշխատանքների ձեռքբերում

**Բողոքի պահանջը՝** պարտավորեցնել՝

1. «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի գնահատող հանձնաժողովին դադարեցնելու՝ «Բեսթ Ռոուդ» ՍՊԸ-ի և «Անապատ-2» ԱԿ-ի կողմից ներկայացված հայտերը հրավերի պահանջներին համապատասխան գնահատելու մասին որոշումները,

2. «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի գնահատող հանձնաժողովին դադարեցնելու՝ «Բեսթ Ռոուդ» ՍՊԸ-ին Ընթացակարգի 1 և 2 չափաբաժինների մասով ընտրված մասնակից ճանաչելու մասին որոշումը:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ  
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

*ՀՀ գնումների հետ կապված բողոքներ քննող անձին*

Բողոք բերող՝ «Էլդոգար» ՍՊԸ  
Հասցե՝ ՀՀ, Սյունիքի մարզ, ք. Գորիս, Յոյան 30  
հեռ: (093) 42 66 93  
Էլ.փոստ՝ eldogare@yandex.ru

Պատվիրատու՝ ԳՈՐԻՍԻ ՀԱՄԱՅՆՔԱՊԵՏԱՐԱՆ  
Հասցե՝ Սյունիքի մարզ, ք. Գորիս  
Անկախության փող., 3 շենք

*Գնման ընթացակարգի ծածկագիրը և առարկան՝*  
ԳՈՐԻՍԻ ՀԱՄԱՅՆՔԱՊԵՏԱՐԱՆԻ ԿԱՐԻՔՆԵՐԻ ՀԱՄԱՐ՝ ՀԻՄՆԱՆՈՐՈԳՄԱՆ  
ԱՇԽԱՏԱՆՔՆԵՐԻ ՁԵՌՔԲԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ «ՀՀ ՍՄԳՀ ԳՀԱՇՁԲ  
01/2021» ԾԱԾԿԱԳՐՈՎ ԳՆԱՆՇՄԱՆ ՀԱՐՑՄԱՆ ԸՆԹԱՑԱԿԱՐԳ

**ԲՈՂՈՔ**

• *Գործի հակիրճ նկարագրությունը և բողոքի փաստերը.*

Գորիսի համայնքապետարանի կարիքների համար՝ հիմնանորոգման աշխատանքների ձեռքբերման նպատակով հայտարարվել է «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցում (այսուհետ նաև՝ Ընթացակարգ):

Ընթացակարգին ի թիվս այլ ընկերությունների մասնակցության հայտ են ներկայացրել նաև «Էլդոգար» ՍՊԸ-ն, «Բեսթ Ռոուդ» ՍՊԸ-ն և «Անապատ-2» ԱԿ-ն:

Համաձայն՝ Ընթացակարգի գնահատող հանձնաժողովի 20.01.2021թ. տեղի ունեցած նիստի թիվ 2 արձանագրության 4 կետի համաձայն՝ 1 և 2 չափաբաժինների մասով «Բեսթ Ռոուդ» ՍՊԸ-ն ճանաչվել է ընտրված մասնակից՝ որպես ընթացակարգի բավարար գնահատված հայտ և նվազագույն գնային առաջարկ ներկայացրած մասնակից:

Իսկ այնուհետև gnumner.am համացանցային կայքից տեղեկանում ենք, որ համաձայն պայմանագիր կնքելու մասին հայտարարության՝ որպես ընթացակարգի բավարար գնահատված հայտ է ճանաչվել նաև «Անապատ-2» ԱԿ-ի կողմից ներկայացված հայտը՝ վերջինս էլ ճանաչվել է 1-ին չափաբաժնի մասով որպես երկրորդ տեղ զբաղեցնող մասնակից:

• Բողոքի իրավական հիմքերը և հիմնավորումները.

«Գնումների մասին» ՀՀ օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

«Գնումների մասին» ՀՀ օրենքի 32-րդ հոդվածի 1-ին մասի համաձայն՝ մասնակիցը հայտով՝ հրավերով սահմանված պահանջով ներկայացնում է հայտի ապահովում, որի չափը հավասար է հայտով առաջարկվող գնի մինչև հինգ տոկոսին: Հայտի ապահովումը ներկայացվում է միակողմանի հաստատված հայտարարության՝ տուժանքի կամ բանկային երաշխիքի կամ կանխիկ փողի ձևով: Կանխիկ փողի ձևով ներկայացված հայտի ապահովումը պահվում է լիազոր մարմնի անվամբ բացված գանձապետական հաշվում:

Հրավերի համաձայն՝ Հայտի ապահովումը պետք է վավեր լինի հայտը ներկայացվելու օրվանից հաշված 90 (իննսուն) աշխատանքային օր: Հայտի ապահովումը ենթակա է վերադարձման այն ներկայացրած մասնակցին՝ սույն ընթացակարգի շրջանակում պայմանագիրը կնքվելուց կամ սույն ընթացակարգը չկայացած հայտարարվելուց հետո քսան աշխատանքային օրվա ընթացքում...:

«Էլդոգար» ՍՊԸ-ի կողմից հարցում էր ներկայացվել Ընթացակարգի գնահատող հանձնաժողովին, որով խնդրել ենք՝

Ղեկավարվելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 4-րդ ենթակետի պահանջներով՝ խնդրում են անհապաղ տրամադրել «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի մասնակցության հայտ ներկայացրած «Բեսթ Ռոուդ» ՍՊԸ-ի և «Անապատ-2» ԱԿ-ի կողմից ներկայացված հայտի ողջ փաթեթները /այդ թվում լիազորագիրը և հայտի ապահովումը/:

Ուսումնասիրելով վերը նշված փաստաթղթերը՝ գտնում ենք, որ «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի գնահատող հանձնաժողովը իրավունք չունի «Բեսթ Ռոուդ» ՍՊԸ-ի և «Անապատ-2» ԱԿ-ի կողմից ներկայացված հայտերը գնահատել բավարար, մասնավորապես՝

1. «Բեսթ Ռոուդ» ՍՊԸ-ի կողմից ներկայացրած վճարման անդորրագիրը /որպես հայտի ապահովում/ ներկայացվել է հայտեր ներկայացնելու վերջնաժամկետից հետո, այն է՝ 20.01.2021թ. ժամը 17:00-ին և հայտի փաթեթի փաստաթղթերը ստորագրված է եղել այդպիսի լիազորություն չունեցող անձի կողմից:

2. «Անապատ-2» ԱԿ-ի կողմից ներկայացված բանկային երաշխիքները /որպես հայտի ապահովում/ ներկայացվել է հայտեր ներկայացնելու վերջնաժամկետից հետո, այն է՝ 22.01.2021թ.:

ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ Ընթացակարգի հայտեր ներկայացնելու վերջնաժամկետ է սահմանվել 20.01.2021թ. ժամը 16:00-ն:

Մինչդեռ «Բեսթ Ռոուդ» ՍՊԸ-ի կողմից որպես հայտի ապահովում ներկայացվել է կանխիկ փողի տեսքով վճարված անդորրագիր՝ որտեղ վճարման ժամ ֆիքսված է 17:00-ն, այսինքն՝ ներկայացված վճարման անդորրագիրը ներկայացվել են հայտեր ներկայացնելու վերջնաժամկետից հետո, այն է՝ 20.01.2021թ. ժամը 17:00-ն, որը իսկզբանե չի եղել հայտի փաթեթում և անհասկանլի է թե ինչպես է հայտնվել գնահատող հանձնաժողովի մոտ, իսկ հայտի փաթեթը ստորագրված է եղել այդպիսի լիազորություն չունեցող անձի կողմից:

Ինչ վերաբերվում է «Անապատ-2» ԱԿ-ի կողմից ներկայացված հայտի փաթեթին, ապա հայտնում ենք, որ «Անապատ-2» ԱԿ-ի կողմից ներկայացված բանկային երաշխիքները /որպես հայտի ապահովում/ ներկայացվել է հայտեր ներկայացնելու վերջնաժամկետից հետո, այն է՝ 22.01.2021թ.:

Հատկանշական է այն փաստական հանգամանքը, որ թե «Բեսթ Ռոուդ» ՍՊԸ-ի, և թե «Անապատ-2» ԱԿ-ի հայտի փաթեթում ի սկզբանե չի եղել լիազորագիրը /«Բեսթ Ռոուդ» ՍՊԸ-ի մասով/ և երկու Ընկերությունների հայտերի ապահովումները, և անհասկանլի է մնում, թե այդ փաստաթղթերը ինչպես է հայտնվել գնահատող հանձնաժողովի մոտ և, որ ամենակարևորն է ինչպես է գնահատող հանձնաժողովի կողմից այդ հայտերը գնահատվել՝ հրավերի պահանջներին համապատասխան

«Գնումների մասին» ՀՀ օրենքի 50-րդ հոդվածի 7-րդ մասի 1-ին կետի «ա» ենթակետի համաձայն՝ գնումների հետ կապված բողոքներ քննող անձը իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

ա. արգելելու կատարել որոշակի գործողություններ և ընդունել որոշումներ....:

Ելնելով վերոգրյալից՝ ՀՀ գնումների հետ կապված բողոքներ քննող անձին՝

**ԽՆԴՈՒՄ ԵՆՔ՝**

1. Պարտավորեցնել «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի գնահատող հանձնաժողովին դադերեցնելու՝ «Բեսթ Ռոուդ» ՍՊԸ-ի և «Անապատ-2» ԱԿ-ի կողմից ներկայացված հայտերը հրավերի պահանջներին համապատասխան գնահատելու մասին որոշումները:

2. Պարտավորեցնել «ՀՀ ՍՄԳՀ ԳՀԱՇՁԲ 01/2021» ծածկագրով գնանշման հարցման ընթացակարգի գնահատող հանձնաժողովին դադերեցնելու՝ «Բեսթ Ռոուդ» ՍՊԸ-ին Ընթացակարգի 1 և 2 չափաբաժինների մասով ընտրված մասնակից ճանաչելու մասին որոշումը:

Առդիր՝ 9 թերթ:

Հարգանքով՝

«Էլդոգար» ՍՊԸ-ի տնօրեն՝

25.01.2021թ.



*[Handwritten signature]*